

Verwendungsschreiben der verwitweten Herzogin Margarethe zu Sachsen an Kurfürst Ernst und Herzog Albrecht, eine von den Bischöfen von Naumburg und Merseburg gemachte neue Einrichtung bei der Universität, nämlich die Niedersetzung von Examinatoren zur Prüfung der neuen Baccalaureanden betreffend.
Colditz, 1485 Juli 11.

Hdschr.: Or. Pap. Hauptstaatsarchiv Dresden WA. Universität Leipzig Bl. 4. Siegel unkenntlich.

Muterliche liebe mit ganzzen truwen allzciit zcu vor. Hochgebornnen fursten, lieben sone. | Nachdem wir vornemen, das uwer lieben itzunt uff uwerm widerwege auch frisch wolmogende | und gesunt sin und uwer sachen wol ußgericht habt, das
10 haben wir uß groz begirlichem hertzen | gar gerne vorstanden und sint des mit sunderlicher grosser frolockung unsers gemuts also muterlicher traw wol angeburdt zere irfrowet, und bitten uweren lieben gutlich zcu wissen, das uff hutten die wirdigen und achtbarn die gantz facultet des studiums zcu Liptzk eynen trefflichen der iren zcu uns geschickt der uns zcu irkennen geben had, wie das die erewirdigen in got veter die
15 bischove zcu Numburg und Merßeburg in irer faculteten ein nuwe ußsatzung und ordnung gemacht haben, also das etliche dorzcu gegeben und bestalt sin, die die nuwen baccalarianden die den gradum annemen wullen, zcu vor vorhoren und zculassen sullen, das furmals nicht in sulcher wyße gewest und wider der gantzen faculteten altherkomen loblich statuten und privilegien sey, als besorgen sie, wu das also zcu gegeben wurde,
20 das es gar unbequeme were und der gantzen faculteten zcu kunfftlich groz irnis und vorachtung doruß komen mochte. Doruff so haben sie uns lassen bitten an uwer lieben zcu schriben, das ir sulchs wullet furkomen, als bitten wir uwer lieben fruntlich ab derhalben einicherley an uch gelangen wurde, ir wullet das biß uff uwer zcu kunfft uffslahen und so uweren lieben got zcu lande gehilfft eigentlich vorhoren, wie es furmals domit ge
25 west und uff welche wyße dise nuwe ußsatzung furgenomen sey, dorinne das best helffen furwenden, uff das die facultete vor zcu kunfftigem irnis und abnemen bewart und vorsorgt blibe. Das wullen wir umb uwer liebe gerne vordynen. Geben zcu Colditz am dornstag nach Kiliani anno domini 2c. LX quinto.

Von gots gnaden Margaretha gebornne von Osterrich,
30 hertzogynne zcu Sachssen 2c. witwe.

Den hochgebornnen fursten hern Ernste, des heiligen Romischen richs ertz-marschalk, kurfursten und hern Albrechte gebrudern, hertzogen zcu Sachssen, lant-graven in Doringen und marcgraven zcu Missen, unnsern lieben sonen.